



Na osnovu člana 72. stav (3), tačka a) Zakona o javnim nabavkama („Službeni glasnik BiH“, broj: 39/14), i člana 70. Zakona o organizaciji organa uprave u Federaciji Bosne i Hercegovine („Službene novine F/BiH“, broj: 28/97 i 26/02), direktor Kantonalne uprave civilne zaštite, donosi:

ODLUKU

o dodjeli ugovora drugorangiranom ponuđaču

Član 1.

Odluka o izboru najpovoljnijeg ponuđača, broj: 15-11-8-6946-7/2022. od 05.08.2022. godine stavlja se van snage, te se ugovor za Nabavku opreme za Službu za zaštitu i spašavanje na vodi i pod vodom dodjeljuje drugorangiranom ponuđaču KM TRADE d.o.o. Visoko, za konačnu cijenu nakon e-aukcije u iznosu od 10.500,00 KM bez PDV-a, odnosno 12.285,00 KM sa PDV-om.

Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i u skladu sa članom 70. stav (6) Zakona o javnim nabavkama objavit će se na web-stranici www.czusk.ba, i to istovremeno s upućivanjem iste ponuđačima koji su učestvovali u postupku javne nabavke.

Obrazloženje:

Dana 05.08.2022. godine direktor Kantonalne uprave civilne zaštite je donio Odluku o izboru najpovoljnijeg ponuđača za Nabavku opreme za Službu za zaštitu i spašavanje na vodi i pod vodom, broj: 15-11-8-6946-7/2022.

Navedenom Odlukom kao najpovoljniji ponuđač za predmetnu nabavku izabran je FIRE TRADE d.o.o. Srebrenik, te je isti bio u obavezi u roku od pet dana od dana prijema Odluke o izboru najpovoljnijeg ponuđača dostaviti dokaze kojima dokazuje da ispunjava uslove definisane Tenderskom dokumentacijom.

Ponuđač FIRE TRADE d.o.o. Srebrenik je dostavio akt, broj: 05-08/22 od 05.08.2022. godine, u prilogu kojeg je dostavljena dokumentacija kojom se dokazuje ispunjenost uslova iz člana 45. Zakona o javnim nabavkama, dok je propustio dostaviti original ili ovjerenu kopiju potvrde banke, koja je kao obična kopija dostavljena u ponudi, a što je utvrđeno tačkom 3.3. Tenderske dokumentacije. Ponuđač je u prilogu naprijed navedenog akta dostavio ovjerenu kopiju Izvještaja o računima poslovnog subjekta od 22.06.2022. godine.


Zbog naprijed navedenog, a kako je ponuda ponuđača KM TRADE d.o.o. Visoko po rang-listi drugorangirana, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od pet dana od dana prijema iste i to u pisanoj formi i u dovoljnom broju primjeraka, a koji ne može biti manji od tri.

Broj: 15-11-8-6946-10 /22

Datum: 15.08.2022. godine.



DIREKTOR

Dževad Lijaković, prof.